

## BAB V

### KACINDEKAN JEUNG SARAN

#### 5.1 Kacindekan

Transliterasi mangrupa kagiatan ngaganti aksara ku aksara séjén tanpa ngarobah basa jeung hartina. Sedengkeun analisis mangrupa prosés ngalarapkeun élmu atawa kaweruh anu geus dicangking kana hal anu jadi obyék analisis. Sanggeus dianalisis, ajén-ajén kaagamaan anu nyangkaruk dina naskah “Wawacan Suluk Dua Pandita Rai sareng Raka” mangrupa ajén anu tetep saluyu jeung kahirupan.

Naskah “Wawacan Suluk Dua Pandita Rai sareng Raka” mangrupa hasil kabudayaan manusa Sunda dina wangu tulisan anu ngagambarkeun palasipah hirup, sarta euyeub ku ajén-ajén kaagamaan. Amanat ti pangarang ditepikeun dina eusi naskah anu diwincik dina wangu guneman dua dulur, nya éta antara Pandita Buana reujeung Pandita Wisésa.

Transliterasi mangrupa kagiatan anu ngabutuhkeun puseur panitén anu gemet kalawan taliti. Dumasar hasil transliterasi, jeung analis ajén kaagamaan anu kapanggih dina “Wawacan Suluk Dua Pandita Rai sareng Raka”, ajén kaagamaanana nya éta (1) kautamaan basmallah, (2) asal ciciptan manusa, (3) payahna indung waktu ngandung, (4) syahadatain, (5) ciri balég, (6) amil yatim, (7) nyaah ka budak yatim, (8) adil, (9) kawajiban kolot ngajar kaislamah, (10) cegah perkara jima’, (11) sabilullah, (12) sakaratul maut, (13) alam kubur, (14) siksa kubur, (15) mulasara layon, (16) kautamaan dunga pikeun layon, (17) silih geuing, (18) rukun Islam, (19) raksa diri tina lampah goréng, (20) paréntah solat, (21) ngagungkeun Pangéran, (22) Iman-Islam, (23) jakat, (24) Raksa Anggahota Badan, (25) Saum Romadon, (26) Halal tur hadé, (27) rukun iman, (28) élmu palak, (29) naraka jeung sawarga, jeung (30) ulah ngagogoréng jalma séjén.

- 1) Pikeun sakumna pihak, dipiharep bisa ngarojong hasanah budaya Sunda nu mangrupa naskah ku cara ngaruwat sarta ngawanohkeun deui kabeungharan budaya Sunda dina wangun tulisan (wawacan) di jenjang atikan ti mimiti tingkat sakola dasar nepi ka tingkat paguron luhur;
- 2) dipiharep tumuwuhna kasadaran pikeun ngaraksa-ngariksa tur mikacinta warisan kolot baheula, salah sahijina dina wangun wawacan anu luhung ku ajén-ajén kahirupan;
- 3) dina ieu panalungtikan kapanggih ajén-ajén ajaran Islam sarta élmu pangaweruh séjéenna (élmu palak, ahlak, élmu alam, jrrd.) anu bisa ditungtik kahareupna, ku kituna panyusun miharep ieu hasil panalungtikan réa mangpaatna, sarta ka hareupna aya panalungtik anu leuwih gemet tibatan ieu panalungtikan.

